

虞鄉縣志



虞鄉縣志序

古來國有史縣有志也者一邑之山川城郭疆里村墟以及仕宦名賢物產方言等類莫不具載至於忠孝節義彰可考者特表而出之所以正人心勵風俗也虞鄉始於周隋越唐越宋間有記載等諸殘碑尚簡而紀事不

虞鄉縣志

序

詳元明省縣為鎮沿及

國朝歸併於臨雍正八年兩縣仍舊累世之故實猶有存焉者如前邑令劉公萬資邑人王君子山多所纂述邑庠石君生輝李子如桂亦私有輯錄皆未成一書余甲辰冬奉

命來宰是邑詢以邑志而曰無之為





之歎。竊念司牧者宰制一方，且將型仁講讓，涵育薰陶，家喻而戶曉之，俾禮教化洽，廉恥風行於以翼勵乎人心，維持字風俗，況乎前代之遺蹟，為後代之觀感。今日之實事，即異日之訓行，詎可聽其漸滅而無問字，維時甫下車，簿書庶，有志焉而

未逮。越四年，至己酉夏，乃集士紳諸君，參商議，舉行編次考校，博採諸子序錄，合之通志府志，臨晉志，同異互參，舉凡有闕於一縣之重，所當記載者，分類編纂而著，為成書。由是舊章故典，一寓目而存，前言往行，一披覽而見，併使古人之忠孝節義，著問以



接引字今人百世之潛德函光照  
彰以激勸夫奕世庶乎耳目新  
而感慕生而人心風俗將日漸月  
磨潛移默化於不覺也志成而  
彙為成帙付梓刊行于以藏之  
名山傳之其人至於建塔開濠以  
補風水或亦侶啓人文之一助也  
余惟拭目俟之時乾隆己酉仲冬

吉旦

誥授奉政大夫知虞鄉縣事實城周大儒撰



纂修邑乘徵事小引

蓋聞職方有掌滙爲祿渠之藏而文獻無徵湮及夏殷之禮故搜羅經史子集賦稱左思遊覽名山大川史推司馬矧虞誌久缺非集腋何以成裘且先達無人惟紉蘭庶可爲佩今幸值邑侯 周公淵源濂溪之學委蛇周章之封陟巘降原四郊之風土在目釐今剔古千秋之事蹟會心於是集紳士而僉謀洒黌宮以開局敦請耆學下逮謏材在諸君三長夙優或可備高深之贊卽不佞一丁不識亦願効涓埃之誠但稽事多糊塗猶如

跛者言履撰言無提挈難同樵夫說山郊圻沿革之殊誰覽封遂星野纏度之屬疇精郭甘岸谷滄桑千年間變遷宜晰亭臺洞府百世上名蹟須知田賦 王章哉按籍何以如指掌積儲民命也借箸何以若列眉國之大事祀爲先惟知禮者是問才之蔚興學綦重非嗜古者奚徵或莅茲土而撫字心勞無字碑上寫實錄或宦他邦而保障功懋獨立班內覈眞詮烈魄忠魂當使無死之日孝行義舉宜如猶生之年捐軀從夫終墓頭之蝴蝶雙飛者誰氏茹荼代子職月下之蟋蟀獨弔者何



人仰著述於名山不妨險覓使天閤索珍藏於石室何  
難狂搜欲海枯借題爲文逸德與鴻筆俱著登高作賦  
盛地偕雅韻並留僑寓類多侷儻之才技藝不乏神奇  
之術青牛紫氣函關傳道德千言白馬金光雍門授涅  
槃三昧摠多見多聞以彙集必識大識小之在人架有  
藏書勿徒緘笥飽蠹口能述古正宜聚米爲山雖斷簡  
殘篇乃今日之隨珠卞玉卽田叟牧豎亦此時之絳老  
郊君佇俟大雅儒宗立辨豹鼠之似專望博物君子直  
指魯魚之訛速賜 徽音以光簡策

時

乾隆己酉孟夏邑歲貢生李瑛現啓



虞鄉縣志

凡例十則

一遵正體紀表傳志乃國史之全局縣為一邑之分設志為史家之一體依史例以成編未免仲淹續經之譏茲編分門別類俱以志名別乎史也至於沿革職官選舉人物等雖倣表傳體以便觀覽而不敢以表傳名篇

一定方域虞在三代以前為古虞為周虞為晉為魏皆以國名秦為河東郡漢韓信定魏置解縣臨晉解

虞鄉縣志

凡例

州皆有其地

按水經涑水南過解縣東又西南屬於陂是今解州之南扶卽古涑水東過解

縣之東地

唐析置虞鄉時已非解縣全境然猶北有桑泉

西有雷首

見魏金地理志

自元廢縣疆域變移茲據復設界

治西自草坪東迄紅臉南不越橫嶺北不盡涑河是虞鄉雖古解縣舊壤而視唐之虞鄉抑又小矣

一慎名器官師為一邑之紀綱選舉為四民之表率惟名與器春秋不以假人蓋重之也茲則時雖遠必核其實職卽微亦錄其名莅斯土者姓字畱香膺斯選者衣冠增重庶不負



朝廷慎重之意

一崇祀典國之大事惟祀載在會典者奉爲正祀至於鄉曲里社必慎擇功德在民者附正祀之後閒有廟宇宏敞浸淫二氏積重難返者必辨明似是之非以正俗傳之訛

一尊學校古者教無專官今

文教廣敷郡縣莫不有學又屢頒

聖諭廣積書籍其所以正學術儲真才者至詳且盡矣茲與公署分而爲二以尊師儒之教使秉鐸茲土者知

虞鄉縣志

凡例

二

以師範自持如胡安定曹月川庶多士蔚興無負廣厲人才之意

一重民命賦役關民生之休戚雖不窮不變不變不通而因革損益古今循環無非爲國本計也至於奉行不實良法之中蠹弊滋焉是在父母斯民者實心剔弊釐奸以甦元元

一核實迹聖賢孕寓之地寸草噴香滴泉流韻具有始末可考如諸柳署解人不忘本也其實徙而不歸者雖籍貫解人而實非解人也茲不濫收至於先賢



里居墳墓亦必考據詳明不敢以訛傳訛

一闡幽微節孝義行坊匾多出縉紳殷厚之家至若  
寒門苦節鄉曲至行不無湮沒茲必表而出之以仰  
體

聖朝表微發潛之至意但歷年久遠採訪難周遺漏之咎  
恐難免夫

一黜浮華虞雖褊小名公碩德騷人逸士佳咏每不  
勝收茲惟錄其有關於政教風化者其餘概從割愛  
至誌傳碑銘不嫌備載以虞邑新復文獻失傳且文

運初起家少藏書使好古者藉爲由溥通海之一助  
一表從略星野分度甘石家自能縷析不敢強作解  
事風俗視乎政治方言囿於方域物產本乎土宜卽  
今昔不同亦惟據實以書至於祥異載在史書而自  
元以前舊志無存復設而後邑乘久缺惟紀所知以  
備參考



修志姓氏

纂修

知虞鄉縣事 周大儒 宗魯四川廣安州丙子舉人

同修

虞鄉縣儒學訓導 楊永陽 綠溪太原優貢

鹽梓

虞鄉縣典史 孫愈賢 雅南江西新城監生

編輯

邑人 尚雲章 漢輝歲貢生

虞鄉縣志

姓氏

李瑛現 慎五歲貢生

張應奎 聚五庠生

採訪

邑人 維司直 貢生

魏飛鴻 儀廷庠生

尚守安 庠生

杜玉瓚 廩生

尚鳴鸞 瑞廷庠生

王有訓 廩生



賈建鰲  
庠生

季叙白  
庠生

荆世榮  
庠生

分理

邑人

王汝鹽  
庠生

曹酉成  
庠生

李澍

督梓

邑人

李第元  
冠英  
從九

康鄉縣志

姓氏

二

總理

邑人

梁昌元  
貢生

邵汝從  
欽四  
州同

楊廷秀  
掄元  
貢生

賈際鰲  
威斯  
監生

張映東  
青田  
監生

張永徵  
慎思  
庠生

鍾升鰲  
庠生







虞 鄉 縣 圖



南芮城縣界

虞鄉縣志

縣城圖




圖

二




漢鄉縣志

衙署全圖




三






虞鄉縣志

學宮圖



圖

四



義路

照牆



虞鄉縣志

圖

五





虞鄉縣志目錄

地輿志

星野附祥異

疆域附形勝

山川附水利

古蹟附坵墓

風俗附方言

物產

八景

建置志

沿革

城池

公署

兵衛舖遞

坊里

營屯鄉鎮  
市集附

橋梁

養濟漏  
澤附

職官志

中正

令

丞

主簿

虞鄉縣志

目錄

尉

知縣

訓導

典史

外委演武附

宦績

賦役志

田賦上

田賦中

丁徭附

田賦下

雜徵附

戶口

倉庫

祀典志

廟祀

祠祀

壇祀

鄉祀

學校志



學宮

師生

書籍

學田

鄉飲

選舉志

徵辟

進士

舉人

貢士

例貢

武科

例仕

封蔭

人物志

仕績

孝友

節義

義行

文苑

隱逸

寓賢

方技

列女志

虞鄉縣志

目錄

節孝

附 賢義

貞烈

方外志

寺觀

仙釋

附 女 寇

藝文志

藝文上

藝文下

拾遺志

稽事

傳疑



虞鄉縣志卷之一

地輿志

星野

疆域


山川

古蹟

風俗

星野 附祥異

參宿圖



虞鄉縣志

卷之一

地輿

一

丹元子步天歌

總有七星觜相侵兩肩雙足三爲心伐有三星足裏深玉  
 井四星右足陰屏星兩扇井南襟軍井四星屏上吟左足  
 下四天厠臨厠下一物天屎沉

占候

參十度上爲五星日月中道甘氏曰參爲忠良孝謹之子  
 明大則臣忠子孝安吉一曰參伐一曰大辰一曰天市一  
 曰鉄鉞又爲天獄又主權衡所以平理也又主邊城爲九  
 譯故不欲其動也參白虎之體其中三星橫列三將也東



北曰左肩主左將西北曰右肩主右將東南曰左足主後  
 將西南曰右足主偏將故黃帝占參應七將中央三小星  
 曰伐天之都尉也又曰七將皆明天下兵精也玉井四星  
 在參西右下水象也屏二星在玉井南屏爲屏風玉井東  
 西四星曰軍井行軍之井也軍井未達將不言渴名取此  
 也又曰主軍營之事天厠四星在屏東溷也天屎一星在  
 厠南色黃則吉

觜星圖





丹元子步天歌

三星相近作參欒觜上坐旗直指天尊卑之位九相連司怪曲立坐旗邊四鷗大近井鉞前

占候

觜二度在參之右角如鼎足形主天之關明大則天下安五穀熟隋志云觜觶爲三軍之候行軍之藏府主葆旅收歛萬物明則軍儲盈將得勢動而明葆旅起張衡云葆旅野生之可食者坐旗九星在司怪西北主別君臣尊卑之位明則國有禮司怪四星在井鉞前候天地日月星辰禽獸蟲蛇草木之變與天高同占

虞鄉縣志

卷之一

地輿

三

子產告晉平公曰昔高辛二子實沈闕伯日尋干戈后帝不臧遷實沈於大夏主參武王邑姜方震太叔夢帝謂已命子曰虞將與之唐而蕃其子孫及成王滅唐而封太叔故參爲晉星

史記晉之疆候在辰星占於參罰

漢書魏地觜觶參之分野也其界自高陵以東盡河東河內南有陳畱潁川河南

唐天文志一行議云初畢十度中參七度終東井十一度



自漢之河東及上黨太原盡西河之地古晉魏虞唐耿揚霍冀黎郇與西河戎狄之國西河之濱所以設險限秦晉故其地上應天關其南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨居下流與趙魏接爲觜觶之分

圖書編山西諸郡平陽觜參分野

清類分野書云自畢七度至井八度爲實沈之分平陽府虞鄉縣志

卷之一

地輿

四

參分蒲絳吉隰霍解六州皆觜參分

蒲州府志地體方而主靜郡國之疆域有常天運員而至變星度之環羅相錯使仰觀俯察必寸寸而度之節節而析之以強求上下之合必泥而不可通而反失其是者自以占言天者於東西南北四宮之星之屬方州者亦止概言其略使得其大要足備占察而已

按宋中興天文志天之有度猶地之有里也二十八宿所分之度猶九州列縣所占之里也仰惟元象爲之熟籌每天一度當地二百里吾虞今日境非舊矣



西距府僅六十里許東距解止四十里許中間廣袤  
周不過七十餘里約而計焉纔得每星四分度之一  
天官家言蒲之分野且或以爲參井或以爲觜參訖  
無有定何論夫虞據唐僧一行議及今府志論參以  
地輿天官準之分野蒲郡旣惟得參而無井觜則虞  
鄉正當中條之腹自卽參之南境而適在右足之跗  
方且遠於觜自不入於井因是南望陝洛峰巒巘嶼  
永芮間隔所云不得兼有張分者介於蒲解之交尙  
亦可以約略其衡度臨晉縣新志有曰考星野者驗

之氣候稽其分數間嘗就雨暘陰晴靜按其興發收  
止見夫西而南而東者有常致無變形始信立言之  
果爲不誣山西舊志謂臨晉虞鄉猗氏萬泉滎河胥  
同觜觶參似尙有遺義焉  
祥異

有虞時景星出房慶雲興

周晉師曠時玉龜出河東之涯

漢建平元年十二月白氣出西南從地至天廣如一匹布  
長十餘丈十餘日去



永初六年池水變赤如血

初元元年地陷

延光二年大風拔木

建和元年木連理有嘉瓜兩體同蒂

永壽三年七月地裂

晉咸寧元年地震

太康元年三月霜雹傷桑麥

建興元年地震雨肉

北魏永興五年月行參犯太白

虞鄉縣志

卷之一

地輿

六

唐武德三年旱七年復旱

貞觀二十一年秋旱二十三年八月地震

開元十二年早上親禱雨宮中設壇席暴立三日

大歷七年十二月有長星出於參下其長亘天

貞元九年四月地震有聲如雷河中尤甚

大和元年夏旱冬十一月騶虞見時河中府薛平奏虞

鄉縣有白虎入靈峯觀按瑞應圖以爲騶虞

開成元年蝗害稼

大中六年彗星出於參觜



乾符三年秋河東諸州多鼠穴屋壞衣

光啓二年夏積陰六十日七月中條山鵲焚其巢三年七月中條山鵲復焚其巢

宋乾德元年饑三年旱甚四月戊申賑饑

開寶六年正月大明觀內生芝節度使以聞

淳化二年四月河水溢虞鄉等七縣民饑三年旱

景德九年蝗飛翳空及霜寒始斃

元符元年吳閭村南山鳴如雷經月不息村民立祠以禱之山鳴遂止祈應如響大觀元年勅賜廟額曰昭佑

虞鄉縣志

卷之一

地輿

七

二年奉誥封神曰積仁侯

金皇統二年秋大熟

大安三年二月大旱

崇慶元年五月旱大饑斗米錢數千流殍滿野二年復大旱

元至元三年迄 國朝雍正七年見臨晉志

國朝雍正八年大熟九年大有麥

乾隆三年歲稔十月地震四年麥有秋八年歲多雨九年麥有秋十一年七月蝗十二年五月晝隕星天鼓鳴



十三年大禋奉文

發粟賑濟知縣余克長勸諭各鄉富民出粟給散十四年歲稔十七年秋無禾奉文

發粟計口賑恤十八年陰雨連旬涑水漲發大有年二十七年元旦日月合璧五星連珠卿雲華彩率土仰瞻三十二年大有年四十三年無麥秋大熟四十四年歲稔四十八年歲稔五十年夏雨愆期奉文

卹賞兩月口糧仍照歉年減價平糶五十四年霖雨四十餘日平地水溢



疆域

形勝  
附

虞鄉境在蒲州東六十里東西廣五十里南北袤七十五里

東至解州界席張鎮二十里州治四十里

西至永濟縣界榆林村三十里縣治六十里

南至中條山橫嶺解州芮城縣界三十里縣治五十里

北至涑水河臨晉縣界四十五里縣治六十里

東南至解州界紅臉溝三十五里

西南至永濟界草坪山三十五里

虞鄉縣志

卷之一

地輿

九

西北至臨晉縣界開張村三十里

東北至猗氏縣界祁村五十里縣治七十五里

按府志雍正八年分臨晉置虞鄉遣侍郎韓光基等至蒲州府相度地宜光基奏臣到臨晉縣隨赴坡上并虞鄉山下一帶地方相度形勢訪問輿論蓋因原任侍郎王璣條奏分設虞鄉縣於坡上地方而山西撫臣石麟以坡上去臨晉僅十餘里請將虞鄉縣設於涑水河南之虞鄉鎮臣等竊以虞北臨南中隔一水實天成之界限請卽以涑水一河爲兩縣交界據



此一境南枕中條北纏姚涑正所云礪山帶河天造地設者乎

形勝

阻中條以爲險扼解芮而通關遠控虞城近掣蒲坂數縣之隘塞一郡之中權

金貞祐中完顏從坦上言曰絳解河中必爭之地中條之南北垣曲平陸芮城虞鄉河東之形勝陝洛之襟喉可分陝州步騎萬二千人爲一提控四都統分戍四縣此萬全之策也

虞鄉縣志

卷之一

地輿

十



山川

中條山在縣治南五里許禹貢錐指云中條西起雷首迤邐而東延袤數百里直接太行跨州連郡隨地異稱括地志云凡十一名通典云凡八名寰宇記中條山在芮城縣北十五里府志因謂虞芮二縣南北橫負陰陽正乃中條山其餘支山名載志典者皆中條山蜿蜒起伏之峯巒也在虞則西自草坪山東竟紅臉溝統冠以中條山云

草坪山在縣西南三十里相傳古戍軍牧馬於此故名上

虞鄉縣志

卷之一 地輿

有唐趙坊飛仙洞

趙坊村名始此

方山在縣西南二十里草坪山東地記一名檀道山即山

海經之檀首山也水經注又名鹽道山西則削壁千尋

即今青石掌

東則躡谿萬仞

即今洪流崖

翠柏蔭松清泉灌頂郭

璞所謂鴛漿泉是也上有靈峯寺傍產良藥唐宋金元

緇黃往來不絕號大叢林為虞鄉勝地

按雪花山石鼓洞亦在此山之

上明張佳允

國朝陳奕禧皆有詩

見藝文

南峯在方山東南

俗名赤崖

即棄瓢巖嵩南羽士李皮囊嘗棄

酒瓢於此下有泉曰龍井禱雨輒應唐元宗時玉真公



主投金龍其中號玉真泉又有金沙金龜玉女飲鹿諸泉兒孫峯在其東山石皆立宛然兒孫環列其西有王猛坪相傳王猛屯兵處遺蹟無存

五老山在縣南十五里玉柱太乙諸峯之總名也西接方山路出北巘勢多懸絕往來咸援蘿騰嶺尋葛降深於東則連木乃陟今石竅猶存山腰疑是貫木處百梯方降故水經注云鹽道山一名百梯山是也東有百梯寺下有百梯村變百言柏傳寫之訛耳或云舊山多柏故云

按五老山以五峯偃僂如老人故名舊志據論語備

考任昉述異記有五老遊河渚告帝河圖授書事因以名山不知此乃堯率舜遊首山觀河渚事道流附會建五老祠於太乙峯致使後人疑竇叢生惟謝琚云中條之山其聳然特出最高且峻者爲峯有五因有偃蹇僂僂之形故名五老峯中峯不偏不倚若大竇巍然端居有以主乎旁之四峯者四峯羅列四隅如衆賓之若拱若揖有以輔乎中峯者狀寫山形實爲得解又廬山亦有五老峯晉張僧鑿潯陽記五老峯橫隱蒼空其形勢如河中虞鄉縣五老山則此山



五老之名先於匡廬久矣唐宋元明諸名人多有詩  
見藝文

玉柱峯五老山之中峯也高出雲表危磴削立鐵索下垂

攀引而升中條之秀無出其右一名靈峯又名雲峯

明胡

澗訪張赤脚詩分明記得  
經由地只在中條第一峯

左右有東錦屏峯西錦屏峯

翠厓秀石連峯屏立故名峯陰有張果洞石上有驢行

跡又名韓峯仙人韓終隱此峯東有韓君洞又有羅通

微真人洞又有青城太乙蒼龍王母太白白沙元武保

德諸洞

見通志

東有四寨觀音閣建其中水源洞在其下

興鄉縣志

卷之一

地輿

古

太乙峯五老山之北峯也五老祠在其上棟宇宏敞松柏

蒼秀遊者至此遂嘆觀止因專以此名五老云

棋盤山在太乙峯西五老山之西峯也相傳王樵夫觀棋

爛柯處今棋局猶存北有鐵樓內鑄陳老母及九子鐵

像又西北有步虛坪羅通微學步虛絕粒於此亦名北

斗坪又名拜斗坪又北絕壁高懸下臨無地斷崖中有

真人庵

考唐書開元二十年上遣使迎張果果乃至他日以

玉真公主妻之果力辭去後送公主於虞鄉中條山



自此後王公卿饋送日至中條山宛然瀛洲地矣今山中四寨耕者輒獲銅鏃軍器俗傳楊業後人屯兵於此不知乃唐衛兵所駐劄處也

歸雲崖在玉柱峯西下有雷公洞外廣而內狹深二丈餘懸石嵯峨狀如龍蛇俯身而入內有石井雲氣升騰餘潤漸滴盡注其中旱則禱雨輒應

是爲上雷公洞下雷公洞在北峯

太峯在錦屏峯東乃東亭谷之脊也背華面涑右王官左玉柱泉甘而土肥可耕可讀堪輿家謂縣脈發源於此西下爲牡丹坡東下爲塔兒原邑人王子山傳云買山

虞鄉縣志

卷之一

地輿

五

刊書者卽此處又嘗自賦云已爲老計歸吾黨况對青山讀異書因號其山爲他山泉爲我泉峪爲窈峪云上

有胆礬洞谷有代赭石色赤而膩子山寫書用以代墨

鳳翅山在其東

夾輔嶺在風伯谷東南脈自筆架山來東西二峯環拱雙水夾流故名乾隆五十五年知縣周大儒建文筆塔於其上

天柱峯在縣東南十五里王官谷道由峯側紆折而上共百二十盤卽隋書所云百徑山也峯東西有二瀑布

詳見



川上有雙人石在天峯柱東怪偉參差形似拱立峯西

又有雙石似人稱為谷中四友谷西有秦王硯大如碾

底尖如磴天將雨輒潤詳見古蹟豬耳峯在東瀑布北形似

豬耳故名白雲洞在聚仙堂南元孤雲子李純夫隱此石泉洞在

石泉橋東前有小池欄杆護之藏雲洞在蘆葦泉南曹

仙姑棲此見通志八仙洞在天柱峯腰北望峨眉空濛沒

滅見通志黃沙洞在天柱峯西崖幽窈無際郇城吏部王含光率衆入

以灰記道及數里聞水聲而還黑龍潭在天柱峯下水色如墨人跡罕

到

虞鄉縣志

卷之一

地輿

六

王官谷古名也王官城在其側故名唐司空表聖退隱於

此易為征陵谿水曰征貽溪溪舊無魚表聖居時石竇

泉隙魚皆充物著說魚又有山居記休休亭記宋邑令

俞公充有王官十詠又有貽溪懷古十詠詩記見藝文

石錐山一名華胥峯見喬元亮陳真人洞碑在縣東南二十五里天柱峯東

石鹿谷舊內有石鹿因名林巒峭壁川原奧衍一峯突出岑銳

挿天隋書虞有石錐山即此中有陳真人洞幽深寬厥

上懸石鐘故又名石鐘嶺元華州處士陳道周卜居谷

口建立書屋



涑水河在縣北臨虞分界處邸家營有閘口引水入境內

為縣脈所關按桑欽水經云涑水出河東聞喜縣東山

黍葭谷

今名華谷

又西過周陽邑與洮水合又西南過其縣

南又西經王城過安邑西又過南解東

按涑水自安邑北相鎮西李漢

郭村之間折而南順治中郭村人掘地見大石橋此古涑水南折處過猗氏及今解州之南扶等村正當古南

解又西南注於張揚池此涑水故道也

遺蹟自解州之南扶村西南入

本縣許家營關家莊石橋等村南昭然可考

後司鹽者慮其浸溢鹽池自北

相鎮引而西北開新河西行至崔家灣折而南經祁村

及本縣南村坑頭關家莊石橋村西南流入五姓湖

牌首

虞鄉縣志

卷之一

地輿

七

棗圪塔村即當湖口

此涑水初改新道也至明宏治十六年巡鹽

曾大有復慮害鹽疏請西浚新河八十里自崔家灣引

而西經本縣邸家營猗氏之祁村智光水頭本縣東西

渠下臨晉之觀底胥村王宵吉令城子埒至本縣楊村

普樂頭郭家莊北折而南流入五姓湖此涑水後改新

道也又西流經孟明橋入於河

姚暹渠在縣北十里古永豐渠也後魏正始二年都水校

尉元清所開引平坑水入黃河以運鹽隋大業中都使

者姚暹重開決堰濬渠民賴其利故以名渠源出



東巫咸谷西流經安邑縣下畱村苦池水入之又自安邑城北西流經解州北境至曾家營東入本縣西流與涑水滙於五姓湖

鴨子池在縣北七里條山諸谷水所會歸處恒雨水漲鳧

鴈羣集故名水盈卽由大小王朔平堦孫常等村村北

入五姓湖

按諸水總會於湖皆由孟明橋入河孟明橋一帶為蒲民壅塞種田湖水逆泛東注於池姚暹渠亦有倒灌之患乾隆十八年知蒲州府事周公景柱稟河東道喬公光烈申請重濬

新河在縣東十里司鹽者慮石鹿王官二谷水東泛浸鹽

池開之使入鴨子池者自石鹿至麻村橋共長一千五

虞鄉縣志

卷之一

地輿

六

百四十九丈用夫一千九十三名

見河東鹽政

五姓湖

湖旁有五姓居之故名

在縣西北三十里涑水姚暹經流之

所古名張揚池

水經云涑水南過解縣東又又西南注於張揚池者是也

湖傍昔多

樓臺居人環繞每夏荷花盛發爛若披錦雜以綠蘋紅

蓼漁人罟師水鳧沙鷺致為盛觀其後景物盡變惟畱

湖光一片數十年水益就涸乾隆癸酉歲秋霖潦復見

漣瀾瀾瀦云

按王子山山川攷五姓湖與張揚池此東西二陂之

總名也水經云涑水南過解縣東又西南注於張揚



池注謂又西南經張揚城又西南屬於陂陂分二東  
陂世謂之晉興澤東西二十五里南北八里南對鹽  
道山西陂卽張澤也西去蒲坂一十五里東西二十  
里南北四五里據河渠志涑水開至曹官在普樂頭村西姚  
暹濬及姚兒嘴在土橋村東西至永濟縣東界正對鹽道  
山縱橫里數與注所謂東陂者允協此謂晉興無疑  
西陂在五姓村北西至永濟金盆灘皆是其地西去  
蒲州一十五里縱橫里數亦與注所謂張澤者允協  
今東陂西移十餘里正當五姓村南故俗稱西陂爲

北湖且西陂張澤久涸五姓湖遂專屬東陂之晉興  
澤矣臨晉舊志誤以鴨子池爲晉興澤遂以五姓湖  
專爲張澤府志因之不知鴨子池去鹽道山甚遠且  
東西不過四五里南北又近與酈注全不相符惟秋  
水漲發鴨子池西接晉興澤又西北接張澤故通志  
有東起鴨子池西接孟明橋六十里皆水鄉之說志  
者不細考水經注遂因張澤久涸惟鴨子池晉興澤  
時有蓄水遂以此爲東西二陂殊非實錄

湧泉在五姓湖中湖水久涸常有泉湧出上與鶩漿泉通



宋司馬溫公和邵不疑校理蒲州十詩注樞密學士蔣公知蒲州河中事得片石如席上有數十竅莫知所施以問石工對曰此蓋湧泉石也乃於飲亭下掘地爲坎置石其上夏月從旁以微水灌之水躍數尺暑氣頓息此殆其得石處

蔣公諱堂

淘米泉在草坪山上相傳杜康造酒淘米處

二龍泉在方山西孤荻谷源出二龍寺入五姓湖

清水泉在方山西清水谷泉出石罅垂坎飛舞有噴珠濺

玉之形徹底澄清沙石俱見水性沉弱出谷卽潛沙中

虞鄉縣志

卷之一

地輿

三

鸞漿泉在方山頂名見水經郭璞山海經注泉出山頂停

注不流冬夏常滿驟用不加損亦不以水旱盈涸相傳

其下至深與湖中湧泉相通往往浮敗荷殘紅皆湖中

物每泉中吐氣輒大雨時見白魚騰躍疑有神物宅其

中明隆慶中霖雨害鹽或言方山白魚爲崇御史邵永

春爲文以祭之又沉鐵牌磔黑犬以厭之尋以鐵甕塞

其口是夕大雷雨折山頂塔移去今遇將雨泉中猶隱

隱有水聲云明張文毅公有詩

見藝文

洪泉在方山東澗上洪流崖下經金沙嶺出直谷入五姓



湖

蒼龍泉在五老山西澗出蒼龍谷

黃家谷在蒼龍谷東道通永樂

靈泉在五老山下大百谷大明觀後平地出泉零星散湧  
前滙一渠資以灌田

黑虎泉在玉柱峯下太常營茶房前有石井水滲入冬夏  
常盈雖多汲亦不少減以上有黑虎廟故以名泉

一碗泉在步虛坪東高峯迴處從石罅出清甘而冽酌之  
滲骨不盈不竭常若碗許故名

虞鄉縣志

卷之一

地輿

三

磚井泉源出玉柱峯東由石佛寺東出谷

古名條谷  
今名寺谷

瀑布泉出王官谷天柱峯旁東西二瀑號稱雙泉西者尤

勝初冬脈微涓涓一綫盛冬冰崖百尺如白虹倒掛至

春夏飛湍直下望之若練忽為驚風所掣則中斷不下

如布斜卷雨後尤佳暑月數十步外寒冽逼人泉水所

注石皆成竅珠玉噴跳稱為雪花盆東者崖壘二級豐

本岐末瀑來似緩而勢彌峻響彌宏泉亦差甘冽崖上

蒼苔匝生歲久成石璽瓏似羊脾狀能升澗水上至絕

崖復如大雨注下晝夜不息二瀑經休休亭前合流出



谷

盤根渠在王官谷豬兒峯東其水湧出紆徐曲折度澗循崖流入紫柏寺渠旁多佳植陰林翳鬱遊者每玩賞不忍去云

蘆葦泉在王官谷天柱峯藏雲洞北水較諸泉尤甘冽

洗馬泉在王官谷東洗馬村南古洗馬川也

按柳崇邑人仕魏為本邑

中正後以太子洗馬致仕居此故名臨晉舊志注晉太子洗馬於此不知何據

西貽溪東石鹿

今號二峪口下為洗馬村西北為潛龍岡

見張敬儒墓志

唐裴

元居洗馬

今洗馬村

因號洗馬裴水歸新河

虞鄉縣志

卷之一

地輿

三

石鹿泉出石鹿谷水勢迅猛漲發時溢而東流為鹽池害司鹽者開新河引之西入鴨子池今河道淤塞橋徒存焉

青龍谷在石錐山東



水利

姚暹渠南三十里王官谷山水繇故市鎮西北渠入鴨子池可灌谷口故市等村地

瀑布泉王官谷內天桂峰旁東西二峽合流出谷居民就地遠近引以灌田引水之法以時刻記名一分水自司空表聖定法谷中人以時用至今不廢今王官之水以分計者一百一十有九焉

石佛寺谷南三里百梯泉水北流遶城東西下經申劉二營入鴨子池寺西小流卽繇百梯陽朝二村入鴨子池

虞鄉縣志

卷之一

地輿

三

可灌城東西諸村地

風伯峪水繇新渠過申劉二營入鴨子池可灌峪下諸村地

二峪口水繇張坊村胥村等橋入鴨子池可灌峪下村地石鹿青龍二峪水可灌石衛杜樂等村地今以新渠壅淤不及鴨子池多濫入解州之硝池其餘散歸洳水灘

張家窰水在城西南灌窰左右繇坦朝陽朝二村入鴨子池

黃家窰水灌窰左右繇羅村侯孟村北西注五姓湖



直峪蒼龍以西至清水孤荻諸谷山水各灌其下諸村北  
注五姓湖

東西二源頭在城東南一里水泉數十流衍二村左右四  
時不涸餘瀝繇城東橋下過申劉二營入鴨子池

蘆子泉在搶峰西北麓今寺僧居民引以溉田

鴨子池爲王官諸谷新河經流所注之處水滿時北陂姚  
渠西自大小王朔東西平壩孫常等村北入五姓湖

姚暹渠隋大業中都水監姚暹濬永豐舊渠自安邑楊家  
莊西至五姓湖開渠引水民滋灌溉今南堰爲禁堰渠

虞鄉縣志

卷之一

地輿

三

北諸村亦有在北堰建閘引灌者但河深地高霑利無  
幾

涑水河原自邸家營南注可灌裴坊南村卿頭諸村地自  
河道西引而涑水之利涓滴不及於虞矣乾隆十九年  
知蒲州府周公詳請開閘知縣高命裴坊於邸家營同  
設水閘分水刊碑而虞邑猶得少霑其利

按條山諸峪水惟王官瀑布旱潦不竭引灌山下田  
不煩疏濬獲自然之利其次則風伯峪寺峪黃家峪  
清水峪雖灌溉無多猶爲有利無害其餘諸峪旱則



涓流立涸潦則沙石壅衝利則有之害亦多焉姚暹  
渠爲鹽池所繫不得揮灌溉之利涑水雖爲臨虞分  
界而涑河以南之地應隸虞鄉者盡隸臨晉虞民無  
引灌之路其波及於虞者皆臨之餘也至於山下諸  
村畛旁鑿井輓轆轉運雖晝夜不息洒潤有限一遇  
亢旱亦難成功通志稱虞爲膏腴其實膏腴之地不  
過十之一二故虞鄉水葦地僅八頃有餘而又有爲  
沙石所壅者此亦滄桑之一變也



古蹟

附 墳墓

周虞鄉故城在五姓湖北故城顏垣尙存春秋解梁漢魏晉解縣後魏安定西魏南解綏化郡皆在此處

附考按魏地理志南解有桑泉城是春秋桑泉之在城東城西者蒲州府志謂桑泉在今臨晉縣亭東村南小蓋原據明隆慶五年居民於城中掘地得桑泉縣印爲証謂北解桑泉古無二城不知此乃北解隋改爲桑泉者非春秋桑泉在城東城西者也北魏地

理志北解有張揚城

疑在今永濟境張村

論者遂據此以郭爲

虞鄉縣志

卷之一

地輿

三

觀謂南解在坑頭者爲是又疑北解在臨晉縣城村謂當日東西分屬故南解有桑泉北解有張揚彼此牽合不知兩解旣以南北分稱自必南北分屬按魏地形志南解有桑泉城金地理志虞鄉有雷首山明係坤艮相錯故南解得有桑泉北解得有張揚且南解在故城北解在亭東南北對峙亦與命名之意相符又按析解縣置安定改安定爲南解改南解置綏化罷綏化置虞鄉并無如大業九年徙虞鄉武德元年別置虞鄉之說虞鄉旣在五姓湖北故城而謂安



定南解在圪頭豈其然乎又按後周明帝武成元年  
改南解置綏化郡北解屬焉而蒲州舊志臨晉舊志  
皆謂後周明帝八年夫後周明帝在位止三年故王  
孝伯疑無改郡之事不知後周改縣爲郡最多榮河  
亦改郡萬泉隸焉觀隋書開皇二年廢郡存州可見  
附記存考

### 王官城

縣東十五里有王官故壘在王官谷西陵上左傳文公  
三年秦伯伐晉濟河焚舟取王官杜註王官晉地

### 虞鄉縣志

#### 卷之一

地輿

七

按水經云涑水經王城北王城禹王城也酈道元注  
時未辨其爲禹王城因左傳有伐我涑川俘我王官  
之文而於王城中加一官字遂使百里有奇之地有  
二王官郭爲觀涑水故道考誤府志疑之亦未詳辨

### 智城

博物志解縣有智邑當卽智城在虞鄉

見通志  
今無考

### 費君書院

唐費冠卿讀書處在中條山太乙峰下楊巨源有題書

### 院詩



王官書院

在王官東陵上舊址闕如或曰即今高寺明呂涇野有  
新建王官書院記

柳子厚堡

在縣北二里劉家營南顏垣尚存今呼為城廂

柳門空石

在本城北街后土祠

柳子厚上馬石

在故市鎮

即虞鄉市唐司空表聖置絹處

虞鄉縣志

卷之一

地輿

天

司空別墅

在王官谷司空輿本臨淄人為權鹽使檢校司封郎中  
慕林泉邱壑之秀遂卜居焉唐史表聖傳曰圖有先人

別墅在王官

休休亭

在王官谷有記

始名濯纓亭亭之西窻名一鳴亭在谷中特高西北有  
證因亭亭右曰擬綸左曰修史

表聖嘗著擬綸密史

東西二巖距

里許山雨漲發聲似震雷飛流注壑盛暑陰寒北面平  
臺與兼曠與宋至和二年邑令樂沆重修刻山居記於



上明正德丁卯同知平陽府事許莊按故跡次第完葺

### 東渠亭

在王官谷表聖立法分水處對峙西巖時見瀑布雙懸遊人有玉虹倒掛之句

### 三詔堂

在天柱峰下其室名九籥丹崖堊壁四周環映柳州所云幽幽可以處休宥宥可以觀妙者殆奄有之

### 瑩心亭

## 虞鄉縣志

### 卷之一

地輿

完

在王官谷當瀑布中流軒窗飛雨纖埃不生

### 覽照亭

在王官谷高出諸亭北崖衆峰翠屏似列

### 司空氏舊居

在王官谷或曰卽影堂或曰卽紫柏禪院

### 表聖影堂

在王官谷至和中知河中府錢晦命邑令設像祀之

### 水磴院

在王官谷宋時有寺今不可考谷中僅存數機磴



了了亭

元孤雲子李純夫所構以擬休休亭者北有聚仙堂南有白雲洞今祇存石泉橋橋在石泉洞西望天桂峰高出霞表與五老峰遙峙云

觀泉亭

在王官谷明御史張仲修建

掛鶴臺

在天柱峰下東南隅表聖時有鶴二月來五月生子輒去臺下多奇花異卉

虞鄉縣志

卷之一

地輿

三

竹逕

在王官谷左右修篁茂密溪水暗流撥竿尋徑宛然陶公結廬處

閻使君宅

在五老谷上方使君名宋唐貞觀十四年為河東太守後隱谷中羅通微賀薪事之十九年拜吉州刺史通微偕往遂冲舉於玉笥山使君表上其事

按國史補閻吉州宋表請入道

賜名遺榮戎昱贈詩曰廬陵太守近隳官月帔初朝五帝壇

王禹偁五老峰中條山詩石碣



舊碣在靈峰寺元豐時禹偁曾孫汾守蒲州因原碣剝落刻石於王官谷又有張維記江公重刻二詩序

李長者故居

長者名通圓

在方山集賢嶺下名昭文院宋張商英題其事在政和戊戌年

呂公宅

在石鹿谷

麻長官成趣園

在洗馬川金元好問有詩

陳氏書屋

虞鄉縣志

卷之一

地輿

三

在石鹿谷明處士陳道周讀書處

嶽廟樓

通志名虞鄉樓在城內

右文塔

在百梯寺上方邑令妥允建有紀

看鶴亭

在王官谷西陵上 國朝王善繼建知蒲州府李公為

棟有記

布托斜



邑令趙平憂縣北鴨子池當秋水漲溢北方民赴縣者  
多苦褰涉自城西北開一道直達仙鶴古橋在太常營南里許  
捐奉以布易之至今猶稱爲布托斜



墳墓

周扁鵲墓

在縣東故市村東按扁鵲死於刺客在遊邯鄲入秦時此處似不得有墓豈號太子聞變感其再造之恩收其骨骸而葬之與今故市洗馬諸村立祠祀之

隋洛州刺史趙昭公墓

在五老原西北三十一里御正大夫裴肅撰碑

唐許州刺史王得墓

在縣東十五里石衛村有碑剝落邑令萬資劉公復立

唐太傅董公墓

卷之一

地輿

三

唐太傅董公墓

在縣東十六里董村南有三塚碑碣無存臨晉志以爲董晉墓考權文公董公神道碑稱晉葬河南縣萬安鄉則非晉明矣按神道碑言公考伯良贈尚書左僕射此太傅當屬伯良墓上二塚疑一爲公會祖梁州博士仁琬墓一爲公祖左散騎常侍大禮墓今土人惟稱三進土墳云

唐監察御史趙君煦墓

在五老原西北三十一里



唐魏王府法曹參軍趙徵墓

在五老原西北三十四里

唐贈魏州刺史太常卿同知西河縣丞趙叡冲墓

在縣西方山鄉五老原兵部郎中安陽邵說撰碑集賢

殿待詔琅琊王瑀書舊碑久已仆瘞地中復設虞鄉時

土人掘樹出舊在孫常鎮茶房西邑令劉公南移官道

砌甃新立

唐中書舍人贈太子少傅趙良器墓

在五老原西北中正原吏部郎楊瑄撰碑子御史中丞

虞鄉縣志

卷之一

地輿

三

密施州刺史邕禮部員外郎薰工部侍郎縱侍御史袁  
并祔

唐陝華盧澧撫越廣等州刺史御史中丞嶺南浙西兩道

節度使太子賓客襄武縣開國男贈揚州大都督趙良

弼墓

在五老原西北元俊岡刑部尙書平原顏真卿撰碑子

永陝淮祔

唐太子右庶子兼御史中丞天水郡開國公趙復墓

在五老原西北鳳凰原兵部侍郎賈至撰碑

以上趙氏諸瑩俱見



獻冲墓  
碑陰

唐虞鄉令諱遵張公墓

在縣東五六里潛龍岡公秩滿卜居於此太原王勣誌  
銘

唐司空侍郎墓

在縣東十里王官谷下滄桑變遷幾失所在郇城王錫  
采糾衆修築四隅皆豎石柱撰文刻石以記其事

唐柳子厚先塋

在縣北五里陽朝村東南有數大塚今其地猶稱柳家

虞鄉縣志

卷之一

地輿

三

輿據平陽府志臨晉舊志皆以爲柳子厚墓考韓文公  
子厚墓誌云歸葬萬年縣此應是子厚先塋非子厚墓

按柳氏自柳安居解傳數世分東眷西眷散處中條山

下

此時虞解  
俱非治所

柳恭仕趙爲河東守後以秦趙亂率家人

南遷居汝潁間遂仕江表柳卓又自本郡遷於襄陽籍

貫解不忘本也諸柳南遷惟元景從祖弟光世畱居鄉

里仕魏爲河北太守封西陵男與崔浩善浩被誅光世

南奔明帝時復仕魏位左衛將軍順陽太守子欣慰又

柳彧父仲禮梁敗見囚於周復家河東柳楚賢陳亡還



鄉里於是柳氏復爲虞鄉人邑令萬資劉公謂子厚與楚賢同出一脈俱爲虞鄉人而子厚傳有與京兆尹書云城南二十里有先塋子厚殆柳氏徙居藍田者之後乎其徙其歸時不可考惟子厚表其叔父侍御史府君有邑居於虞鄉語則諸柳之在河東者應在虞鄉再考遺跡城西至百梯寺有柳道左右古井皆稱柳家井又有子厚堡史失而求諸野亦安得盡以附會疑之但此塋荒殘已久碑碣無存惜夫

### 五代吳孫惲墓

虞鄉縣志

卷之一

地輿

美

吳孫謙墓

二塚並在五老山下

宋端州刺史兼御史大夫騎都尉安樂郡開國侯孫繼鄴墓

在縣西十里南郭村西南有巨碑翰林學士孫抃撰文字剝落不可卒讀碑陰河東劉致撰吳興趙孟頫書

宋孝子孫光溥暨妻懿娘楊氏合塚

在南郭村西南懿娘楊業後女見通志

宋銀青光祿大夫檢校太子賓客兼御史大夫梓夔兩州



兵馬鈴轄兼提舉梓夔兩路諸州巡檢兵馬公事騎都尉孫宗旦墓

宋舉殿試孫公傅墓

二塚並在五老山下見劉致碑文

金麻主事秉彝墓

在縣東七里吳閣村翰林修撰知制誥王庭筠撰碑孫貽溪先生葺祔

元孫真人墓

在南郭村西南公諱履道字大方宋刺史繼鄴十世孫

虞鄉縣志

卷之一

地輿

七

世祖勅贈虛白文逸真人俗稱藥王墳有祠稱藥王廟元虞鄉令諱均趙公墓

在王朔村元廢縣遂寄居焉有教民俚言梓行

明武略將軍趙玉墓

在西陽朝村南

明陝西參政胡希舜墓

在縣北普樂頭村北

明給事中李希顏墓

在平壩村南



將軍塔

在五老山中世代姓氏俱逸王子山有詩

元樊孝子墓

在縣東十六里董村解州太守王撰碑

元孤雲子塔

在天柱峰下有記

虞鄉縣志

卷之二

地輿

三



風俗

國朝一統志曰質樸務本

前漢書地理志云其民有先王遺教君子深思小人儉陋  
隋志河東土地少沃多瘠是以傷於儉嗇

朱子論虞舜所都其地磽瘠人民朴儉

輿地志曰河東魏晉以降文學盛興閭里之間習於法程  
大抵勤儉禹德所型憂思唐風之遺士大夫重廉恥謹  
禮法質直無譎險百姓朴淳畏公盡力南畝四鄉婦女  
織紉亦勤

虞鄉縣志

卷之一

地輿

五

臨晉縣志男業耕耘士子不廢女勤紡績巨家亦然斯則  
蟋蟀葛屨之遺焉

按禹貢志物產而不志風俗以風俗從乎教化也虞  
帝畿地瘠狹而民勤苦衣冠朴略容止簡陋務本力  
農効順急公正供無摧擾之煩服役有風草之便則  
其所由來遠矣此文公所以稱有古風也惟人情褊  
急儉不中禮苟莅斯土者以學道經制董率而化導  
之則風移俗易薰絃斯在矣



方言

有與古可通者娶妻曰索婦兄弟妻曰先後長身曰眇子  
短身曰蓮子辦事不清曰糊塗蟲責人曰數說多曰够  
少曰不够受人物曰接來予人物曰歸你霞曰燒電曰  
火閃電曰硬雨不生子曰犄馬不鞞曰驕孔曰窟隴怎  
麼曰左相與曰挨家子不材曰囊包

有四聲傳訛者兩讀作略三讀作喪長讀作綽短讀作促  
紡讀作縛上聲羊讀作藥驚讀作結鏡讀作結去聲墻讀作  
雀輕讀作慊名讀作覓去聲強讀作噓水讀作缶方讀作

虞鄉縣志

卷之一

地輿

罕

朔生讀作色耕讀作經來讀作厘飛讀作希莊讀作卓  
王讀作月朔讀作說平讀作撇嘗讀作杓牛讀作歐船  
讀作樊墨讀作木筋讀作根聾讀作能湯讀作陀喂讀  
作與去聲上讀作杓去聲

有無字無韻全不可曉者厚交曰然板拚死曰陸土岡陵  
曰圪列蹲曰圪蹴語不清曰三塔子語反復曰流番語  
教不悟曰墓骨蟲差不多曰帮肩賭類曰孤轆子辱先

曰下上聲花

如此類最多略記數條以例其餘



物產

通志云志地理者旁及物產虞鄉地狹土瘠水陸之生視他境爲尤薄至瓌特之物更絕少焉茲姑就所常有及所同有者詳略互紀見土宜備土風云

黍苗穗胥似稷而大實圓重土高燥者宜黍黍以大暑種故謂之黍刈後乘濕打則粃易脫李時珍曰黍稷一類而二種黏者爲黍不黏者爲稷猶稻之有粳糯也今通稱黍子不復知爲稷矣有黃白赤黑四種胥可釀酒黑者爲秬黍卽詩維秬維秠者是宜於北鄉不宜於山下

虞鄉縣志

卷之一

地輿

聖

穀卽五穀中之梁也脫殼則爲粟米亦曰小米今直名曰穀孟詵謂人不識粟李時珍謂人不識梁穗大毛長而粒粗者爲梁穗小毛短而粒細者爲粟其實一物也古者以粟爲黍稷梁秫之總稱而今之粟古但稱爲梁後乃專以梁之細者名粟有早穀晚穀二種早穀以六十日爲率宜旱田晚穀以一百二十日爲率宜水田有潞州黃一種早種則晚熟晚種則早熟水旱田皆宜又穀之黏者曰秫有黃秫黑秫龍爪秫諸種胥可釀酒虞鄉地狹民貧山田灘地皆宜於穀故於此獨加詳焉



麥有大麥小麥二種白露前種芒種後收名宿麥漢武帝紀勸各郡種宿麥虞鄉南北山灘地皆同

豆卽菽也其類有八諸村皆種

高粱一名稻秫種來自蜀亦名蜀秫土人又稱茭子在縣境者有早秫晚秫二種早秫有大老漢小老漢諸種晚秫有紅黑黃白蓬頭諸種蓬頭穗下垂紅白黑三種穗上生黃穗四面分披粒無殼者米硬可為粥粒有殼者米軟可為酒醋

菜白菜 蘿蔔 韭 葱 蒜 蒿苳 蔓菁 莧 薺

虞鄉縣志

卷之一

地輿

里

瓜王瓜 西瓜 南瓜 甜瓜 菜瓜

藥薄荷 荆芥 益母 遠志 車前子 出山澤間

青礫石 出石佛寺峪青黑色剖之有金星者佳

代赭石 出他山上可點書不滯筆且色久逾妍畫家

亦用之 石灰 出南柏梯東西源頭等村

棗出姚暹渠北村者多

杏出東西坦朝村

桃出牛裨嶺

梨出南郭柏梯二村有青紅黃三色



柿出山下諸村有鏡面牛心朱柿數種可作餅亦可作醋  
釀酒

鯽魚常時無有五姓湖水宿出焉

蠶凡村間有樹桑者輒飼之

絹唐常貢河東郡貢綾絹扇四面今土人止織黃絹無他  
技巧

棉花境內皆種宋史炤釋文木棉春三月下種至秋開黃  
花結實及熟時其皮四裂綻出如綿工人以鐵鋌碾去  
其核取如綿者以竹爲小弓長尺四五寸許牽弦以彈

虞鄉縣志

卷之一

地輿

三

綿令其勻細捲爲筒就車紡之自然抽緒如纜絲狀不  
勞組緝織以爲布

布皆婦女所爲自衣被外折價貿易白銀以供官賦



八景

靈峰皓月 在縣西南十五里

月到峰頭桂影清超皓魄倍形光大毫芒下垂四面璀璨遊其際者心神蕩漾宛如禪杖凌空迥異蘇子瞻山高月小之句

王官瀑布 在縣東南二十里

飛泉激於石峭如疋練下垂忽為驚風所掣又如斛珠亂墜飄落繽紛瞬息萬狀令人注目無定

五姓魚舟 在縣西北二十里

虞鄉縣志

卷之一 地輿

四

荷蓼交蒼鳧鷺同遊帶笈笮而泛波光漁舟唱晚數點峰青如遊西湖景上

凍水橫橋 在縣東北三十里

桃花奔流玉欄春鎖遙望行人往來如踏鰲背

百梯紅葉 在縣西三里

豐山鐘鳴柿林猩染登樓憑眺水光潌青樹杪流紅宛如餘霞散綺

方山積雪 在縣西南三十里

層陰凝寒雲端積素夕陽西照如螢流光自冬徂春疑是



庾嶺梅花

五老夕暉在縣西南十里

夕暘流霞薜蘿涵輝蒼翠羅列儼然五老拱立

石鐘曉鳴在縣東南十五里

真人洞懸石鐘雞鳴昧日應候自鳴踈星將落海曙初升  
鏗然一聲喚醒多少夢夢



